

13 August 2024

1700 Hrs

ایونٹنگ گو جری نیو ز بلیٹن مو رخہ 13 اگست 2024

یوہ آکا شوانی جموں بے محمد مہارک ماہر تے عبید الرحمان تیں خبر سُنو۔ پہلاں خاص خاص خبر۔

1*۔ اج خطہ جموں غے اندر 78 واں یوم آزادی تقریبات غا سلسلہ مانہ مکمل روایتی لباس مانہ مشق منعقد کرائی گئی۔

2*۔ یوم آزادی تقریبات غا سلسلہ مانہ خطہ جموں غے اندر سخت حفاظتی انتظامات کیا گیا ہیں۔

3*۔ شمالی فوجی کمانڈر لیفٹنٹ جنرل ایم وی سچندرا کمار نے اج وادی چناب غو دورو لاغے اُت دہشت گردی مخالف آپریشن غوجائزو ليو بے۔

4*۔ تے لیفٹنٹ گو رنر منوج سنہا نے حالیہ این آئی آر ایف درجہ بندی مانہ جموں یونیورسٹی تے کشمیر یونیورسٹی نانہ اچھو درجو حاصل کرن ور مبارکباد پیش کی بے۔

خبراں غی تفصیل نال پہلاں محمد مبارک ماہر۔

ID FDR - Jammu

اٹھترواں آزادی تہاڑا غی مکمل روایتی مشق اج ایم اے سٹیڈیم جموں مانہ 15 اگست نانہ منایا جان آلا آزادی تہاڑا غا سلسلہ مانہ منعقد ہوئی۔ جس مانہ مہمان خصوصی خطائی کمشنر جموں رامیش کمار نے قومی جھنڈو لہرایو تے نال ہی سلامی لی۔ اس موقعہ ور سکولی بچاں، این سی سی غا کیڈیٹاں تے پولیس غا دستہ نے ما رچ پاسٹ کیو اور سلامی دتی۔ اس موقعہ و ر مچ سارا رنگا رنگ پروگرام وی منعقدہوا۔ اس موقع ور خطائی کمشنر رامیش کمار نے کہیو جے ہم بندو ستان غا آزادی پسنداں اور اُن بہا در فوجیاں نانہ وی خراج تحسین پیش کراں جنہاں نے بندو ستان غا اتحاد نانہ بچان واسطے اپنی جاناں غو نذرانو پیش کیو۔ اس موقعہ و ر بولتاں واں اُن نے اس طرح کہیو۔ بائٹ۔۔۔

ID RTR Reasi

جا ری بر گھر ترنگا مہم 2024 غا اک حصہ غا طور ور اور آزادی تہاڑا 2024 غی تقریبات غا سلسلہ مانہ ضلع انتظامیہ ریا سی نے اج جنرل زوراور سنگھ اسپورٹس اسٹیڈیم ریا سی

تیں رشی چوک تک اک بڑی ترنگاریلی غو انعقاد کیو۔ ریلی مانہ سرکا ری تے نجی اسکولان
غا ہزاراں طالبعلماں، سرکا ری ملازماں، نوجوان رضاکاراں تے مقامی لوکاں غی زبردست
شرکت دیکھن مانہ آئی۔ اس موقعہ ور ڈپٹی کمشنر ریا سی وشیش مہاجن نے بولتاں واں
اس طرح کہیو۔۔۔ بائٹ۔۔

IDR Kathua

ضلع کٹھوعہ غا کھیڈ میدان مانہ 78 ویں یوم آزادی تقریبات غا سلسلہ مانہ پولیس، سی آر
پی ایف، فوج تے این سی سی کیڈیٹس نے پورا روایتی لباس مانہ مشق غو مظاہرو کیو۔ اس
مشق غو آغاز ضلع کٹھوعہ غا ایڈیشنل ترقیاتی کمشنر سربندر موبن شرما نے کی۔ اور پھر
پریڈ غو وی معائینو کیو۔ اپنا خطاب مانہ اے ڈی سی موصوف نے ضلع انتظامیہ غی طرفوں
عوام نانہ مبارکباد پیش کی۔ اس دوران موصوف نے بولتاں واں اس طرح کہیو۔۔۔ بائٹ۔۔

ID FDR Doda

اُت ڈوڈہ ضلع مانہ وی مُلک گیر سطح ور ہر گھر ترنگا غا حصہ غا طور ور اک بڑی ترنگا
ریلی غو انعقاد کیو گیو۔ اس ریلی نانہ ڈی سی ڈوڈہ برویندر سنگھ نے اسپورٹس اسٹیڈیم
ڈوڈہ تیں جھنڈی دس غے ٹوریو۔ مذکو رہ ریلی مانہ بکھ بکھ سکولان گا طالب علماں سرکا
ری محکماں غا اہلکاراں، پولیس تے نیم فوجی دستاں نے وی حصو لیو۔ یاہ ریلی کھیڈ میدان
ڈوڈہ تیں شروع ہو غے گھنٹہ گھر تے بس اڈہ تیں بوتان واں واپس مذکو رہ اسٹیڈیم مانہ پُج
غے اختتام پزیر ہوئی۔ ڈی سی ڈوڈہ تے ایس ایس پی ڈوڈہ دوہاں نے ریلی غی کیا دت کرتاں
واں حب الوطنی غا نعراں غے نال طلباء غی حوصلہ افزائی کی۔ اس موقع ور بولتاں واں ڈی
سی ڈوڈہ برویندر سنگھ نے اس طرح کہیو۔۔۔ بائٹ۔۔

ID FDR U

اج لڑکاں غا گو رنمنٹ ڈگری کالج اُدھم پو ر مانہ آن آلا آزادی تہاڑا غی 78 ویں تقریب غا
سلسلہ مانہ مکمل روایتی لباس مانہ مشق منعقد ہوئی۔ مذکو رہ مشق غو آغاز ایڈیشنل
ضلع ترقیاتی کمشنر راجندر سنگھ غے ہتھوں ترنگو لہران غے نال نال پریڈ غو وی معائینو کیو
گیو۔ مذکو رہ مشق مانہ پولیس، این سی سی، بوم گارڈز تے تعلیمی اداراں تیں علا وہ بکھ
بکھ اسکولان غا اسکولی بچاں غا دستاں نے ما رچ پاسٹ مانہ حصو لیو۔ اس موقع ور بولتاں
واں اے ڈی سی راجندر سنگھ نے بولتاں واں اس طرح کہیو۔۔۔ بائٹ۔۔

ID FDR Rajouri

یوم آزادی غی تقریبات غا سلسلہ مانہ مکمل روائتی لباس مشق اج ضلع پولیس لائین راجو ری مانہ منعقد ہوئی۔ ایڈیشنل ڈپٹی کمشنر راجوری راجیو کمار کھجوریہ نے ضلع پولیس لائین مانہ پولیس بینڈ تیں علا وہ پولیس، سی آر پی ایف، این سی سی تے بکھ بکھ تعلیمی اداراں غا طالب علماں غا دستاں غا شاندار ما رچ پاسٹ غی سلامی لی۔ اس موقعہ و ر بولتاں واں اے ڈی سی راجوری راجیو کمار کھجوریہ نے اس طرح کہیو۔۔۔ با ٹ۔۔

Tiranga Rally Poonch

بھارتیہ جنتا یوا مورچہ یونٹ پونچھ نے رویندر رینہ جھیڑا جموں کشمیر یوٹی غی بی جے پی جماعت غا صدر وی بیس غی قیا دت مانہ اج ضلع پونچھ مانہ ترنگا ریلی غو اہتمام کیو۔ یاہ ترنگا ریلی شیر کشمیر پُل وروں شروع ہو غے شنکر نگر، ناکھاں آلی سڑک، پریڈ، ہاتھی بازار، پُرائے شہر، قلعہ بازار، بس اڈہ تیں بوتان واں بس اڈھا پونچھ مانہ واقع شہید منجیت سنگھ غی یا دگا ر ور اختتام پذیر ہوئی۔ تے اس ریلی مانہ لوکاں نے اپنا ہتھاں مانہ قومی جھنڈا چا غے بد چڑھ غے حصو لیو۔ اس موقعہ و ر بولتاں واں اُن نے اس طرح کہیو۔۔۔ با ٹ۔۔

یہ خبر تم آکاشوانی جموں تیں سُن ریا بیس خیراں غا با قی حصہ نال عبید الرحمان۔

ID Security

اٹھترواں یوم آزادی تقریبات غے پیش نظر جموں خطہ غے اندرسخت حفاظتی انتظامات کیا گیا بیس۔ آکاشوانی جموں غا نمائندہ نے خبر دتی ہے جے اس تقریب غا تناظرمانہ ہر طرح غی حفاظتی صورتحال نانہ یقینی بنایو گیو ہے۔ اس سلسلہ مانہ یوٹی غے اندر سب تیں بڑی تقریب بخشی سٹیڈیم سرینگر مانہ منعقد وے گی۔ جت لیفٹنٹ گو رنر منوج سنہا قومی جھنڈا نانہ سلامی پیش کریں گا۔ اس تقریب مانہ ہزاراں غی تعداد مانہ لوکاں غی شرکت غی اُمید ہے۔ جموں غا مولانہ آزاد سٹیڈیم مانہ وی یوم آزادی تقریبات جوش و خروش نال منائی جا ئے گی۔ جت لیفٹنٹ گو رنر غا صلاح کا ر آر آر بھٹناگر قومی جھنڈا نانہ سلامی پیش کریں گا۔ حفاظتی دستاں نے سرینگر غے اندر خصوصی طور و ر حفاظتی انتظامات سخت کر دتا بیس۔ تقریبات غے نزدیک غی تمام جگہاں و ر سخت نگرانی کی جا رہی ہے۔ جموں غے اندر مولانہ آزاد سٹیڈیم غے نزدیک تمام اونچی عمارتاں غا چھت و ر پولیس تے پیرا ملٹری فوج غا چوکس جوان تعینات کر دتا گیا بیس۔ اس تیں علا وہ زمینی سطح و ر حفاظت غی تمام تر ترکیب اپنائی گئی بیس۔ ضلع بیڈ کوارٹراں و ر وی اس سلسلہ مانہ سخت حفاظتی انتظام کیا گیا بیس تاکہ پُر امن طریقہ نال یوم آزادی غی تقریبات منائی جا سکیں۔

NC Visit

جموں خطہ غا وادی چناب مانہہ دہشت گردی مخالف جا ری آپریشن غو جائزو لین خاطر اج شمالی فوجی کمانڈر لیفٹنٹ جنرل ایم وی سچندرکمار نے علاقہ غو دورو لایو۔ اس دوران وے کئی فوجی افسراں نال ملاقی ہوا اور آئندہ دناں مانہہ منعقد ہون آلی تقریبات غا سلسلہ مانہہ کیا گیا حفاظتی انتظامات با رے تبادلہ خیال کیو۔ واضح رہ جے ضلع ڈوڈہ غے اندر اس سال 12 جون تیں بعد 6 دہشت گرد حملہ ہوچکا ہیں۔ جن مانہہ 1کیپٹن سمیت 4 فوجی جوان شہیدا ہوا ہیں اور فوج نے 3 دہشت گرداں نانہہ ہلاک وی کیو ہے۔ 11 اگست نانہہ وی فوجی دستاں تے دہشت گرداں بشکا رگولہ با ری غو تبادلہ ہوؤتھو۔ اس سلسلہ مانہہ فوج بڑا پیمانہ ور تلاشی کا روائی کر رہی ہے۔

LG Universities

لیفٹنٹ گو رنر نے حالیہ این ٹی آر ایف درجہ بندی مانہہ جموں یونیورسٹی، کشمیریونیو رسٹی، این آئی ٹی سرینگر، آئی آئی ٹی جموں، آئی آئی ایم جموں، ایس ایم وی ڈی یو، سکاسٹ جموں، سکاسٹ کشمیر نانہہ اچھو درجو حاصل کرن ور مبارکباد پیش کی ہے۔ جموں یونیورسٹی سر فہرست 50 یونیورسٹیاں غی فہرست مانہہ شامل ہو گئی ہیں۔ جموں یونیورسٹی گا وائس چانسلر امیش رائے، تدریسی تے غیر تدریسی عملہ نانہہ مبارکباد پیش کرتاں واں لیفٹنٹ گو رنر موصوف نے نیک خواہشات غو اظہا رکیو ہے۔

VP HGTBR

نائب صدر جمہو ریہ جگدیپ دھنکڑ نے ویروار نانہہ ہون آلی یوم آزادی غی تقریبات تیں پہلاں نوی دہلی غا بھارت منڈپم تیں ”بر گھر ترنگا با ٹک ریلی نانہہ بری جھنڈی دس غے روانہ کیو۔ یاہ ریلی میجر دھیان چند نیشنل اسٹیڈیم غا مقام ور اختتام پزیر ہوئی۔ اس موقع ور مرکزی وزیر گجیندر سنگھ شیخاوت، رام موہن ناٹو کنجراپو، کرن رچی جو نے مانسکھ مانڈویہ وی موجو دتھا۔ اس موقعہ ور اجتماع سنگ خطاب کرتاں و ان نائب صدر جمہو ریہ نے کہیو کہ ”بر گھر ترنگا“ مہم لوکاں نانہہ ترنگا گھر لیان اور یوم آزادی ور لہراں با رے ترغیب دین خاطر شروع کی گئی تھی۔ اُن نے کہیو کہ یاہ ہُن اک تحریک بن گئی ہے۔ جس مانہہ کروڑاں لوک اپنا گھراں ور ترنگو لہرا ریبا ہیں۔ اُن نے کہیو کہ بر گھر ترنگا مُلک غی آزادی، فخر تے وکست بھارت سنگ وبستگی غی عکاسی کرے۔ وزیر ثقافت گجیندر سنگھ شیخاوت نے کہیو کہ ترنگو ہندوستان غو فخر ہے۔ جہیڑو مُلک نانہہ اک دوجا غے نال جوڑے۔

اس غے نال ہی خبراں غو یوہ بلیٹن ختم ہوؤ۔